

„PROMO TOURS“ d.o.o. Sarajevo, Ul. Kemala Kapetanovića bb., ID: 4200391240004, kojeg zastupa Ismet Sijerčić, direktor, (u daljem tekstu: Izvršilac usluga)

Javna ustanova « Srednja škola metalških zanimanja» Sarajevo, ul Zmaja od Bosne br.8. Sarajevo, ID: 4200514770003 koju zastupa Elmedin Lukač, direktor, (u daljem tekstu: Naručilac usluga )

dana: 10. juna 2019.g. zaključili su:

## UGOVOR

o organizaciji i realizaciji stručne ekscurzije/ stručnog usavršavanja za radnike škole

### Član 1.

Predmet Ugovora je regulisanje međusobnih odnosa između Naručioca i Izvršioca usluga u organizaciji i realizaciji stručnog usavršavanja za radnike škole/Naručioca usluga u Albaniju (Vlora) u periodu od 21. juna 2019.g. (cca. u 24,00 sati ispred Zemaljskog muzeja u Sarajevu) do 26. juna 2019.godine ( u večernjim satima na istoj lokaciji) za ukupno 43 (četrdesettri) putnika/učesnika stručne ekscurzije/stručnog usavršavanja, a sve u skladu sa pozivom za dostavu ponuda br: 02-602-2/19 od 30.aprila 2019.godine, ponudom Izvršioca usluga djl. br: 02-701/19 od 20. maja 2019. godine i Odlukom o izboru napovoljnije ponude/ dodjeli ugovora br: 02-38-707/2019 od 21. maja 2019. godine.

### Član 2.

Ugovorne strane su saglasne da je Izvršilac usluga u obavezi organizovati stručno usavršavanje iz člana 1. ovog Ugovora u cijelosti u skladu sa ponudom br: 02-701/19 od 20. maja 2019. godine i programskim sadržajima navedenim u istoj, odnosno u pozivu za dostavu ponuda, a koji su sastavni dio ovog Ugovora.

Izvršilac usluga se obavezuje da za realizaciju stručne ekscurzije/stručnog usavršavanja obezbjedi moderan i tehnički ispravan autobus visoke turističke klase i odgovarajućih kapaciteta u skladu sa brojem putnika/učesnika, odnosno i sve druge sadržaje u skladu sa pozivom za dostavu ponuda, odnosno prihvaćenom ponudom.

### Član 3.

Ukupna cijena stručnog usavršavanja iz člana 1. ovog Ugovora sa svim uračunatim troškovima i u programu utvrđenim sadržajnim elementima iznosi 515,00 KM (slovima: petstotinapetnaeset i 00/100 KM) po učesniku/putniku.

Uslugu stručne ekscurzije/stručnog usavršavanja će koristiti ukupno 43 putnika/ osobe, od čega 36 (slovima: tridesetšest) radnika škole i 7 (slovima: sedam) ostalih učesnika- članova porodica radnika škole.

### Član 4.

Dio ukupne cijene stručne ekscurzije/ stručnog usavršavanja iz člana 3. ovog Ugovora koji se odnosi na rezervaciju prijevoza, smještaja i drugih usluga shodno prihvaćenoj ponudi za realizaciju kompletnog aranžana u iznosu od 12.000,00 KM (slovima: dvanaesthiljada i 00/100KM), za ukupno 36 putnika/ radnika ( 333,33 KM po radniku) Naručilac će Izvršiocu usluga uplatiti iz vlastitih sredstava škole i to:

a) novčani iznos u visini od 10.000,00 KM (slovima: desetihiljada i 00/100KM) najkasnije do 14.juna 2019.godine, i

b) novčani iznos u visini od 2.000,00 KM (slovima: dvijehiljade i 00/100KM) najkasnije do 15. jula 2019.godine.

Preostali dio do ukupne cijene stručnog usavršavanja po osobi/radniku iz člana 3. ovog Ugovora u iznosu od po 181,67 KM, svaki od putnika/radnika (36 radnika) će Izvršiocu usluga avansno i direktno uplatiti iz ličnih sredstava, najkasnije do 20. juna 2019.godine.

Dio do ukupne cijene stručnog usavršavanja po osobi/putniku iz člana 3. ovog Ugovora u pojedinačnim iznosima od po 515,00 KM, svaki od putnika/učesnika (sedam ostalih učesnika-

članova porodica radnika škole) će Izvršiocu usluga avansno i direktno uplatiti iz ličnih sredstava, najkasnije do 20. juna 2019.godine.

Ovjeran spisak putnika/učesnika stručnog usavršavanja iz ovog Ugovora Naručilac je obavezan dostaviti izvršiocu usluga najkasnije do 17. juna 2019.godine.

#### Član 5.

Ukupnu cijenu iz člana 4. stavovi 1. i 2. ovog ugovora Naručilac će izvršiti na transakcijski račun Izvršioca usluga br: 161-00000-113-000-26 koji se vodi kod Raiffeisen bank d.d. Sarajevo.

#### Član 6.

U slučaju nastanka štete prouzročene od nekog učesnika za vrijeme izvođenja stručnog usavršavanja iz ovog Ugovora, učesnici koji su istu i prouzročili dužni su je sami nadoknaditi na licu mjesta, to jest prije napuštanja hotela, autobusa i sl.

#### Član 7.

Naručilac usluga zadržava pravo promjene izvršioca usluga na početku i/ili u toku izvršenja ugovora i zatražiti povrat dijela uplaćenih sredstava iz ovog Ugovora iz razloga neispunjenja njegovih odrednica, ponude i sadržaja iz člana 1. ovog Ugovora.

#### Član 8.

Sastavni dio ovog Ugovora, pored ponude izvršioca čine i od naručioca/ Škole ovjeren spisak radnika koji putuju i polica putničko-zdravstvenog osiguranja koji ishoduje Izvršilac usluga po kompletiranju spiska putnika iz ovog člana, a prije početka realizacije stručnog uavršavanja iz ovog Ugovora.

#### Član 9.

Ovaj Ugovor stupa na snagu danom potpisivanja od obje ugovorne strane.

#### Član 10.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivaće se Opći uslovi putovanja i odgovarajuće zakonske odredbe.

#### Član 11.

Ugovorne strane su saglasne da sve eventualne nesporazume i sporove iz ovog Ugovora rješavaju sporazumno dogovorom ovlaštenih predstavnika, a u slučaju spora nadležan je Sud u Sarajevu.


#### Član 12.

Svaka od ugovornih strana zadržava pravo na pismeni otkaz Ugovora, sa otkaznim rokom od 15. dana.


#### Član 13.

Ovaj Ugovor je sačinjen u četiri (4) istovjetna primjerka, od kojih svaka ugovorna strana zadržava po dva.

Za Izvršioca usluga

  
Datum: 17. juna 2019. g.

Za Naručioća usluga

  
Datum: 17. juna 2019. g.

M.P.